

Vedtekter for skulefritidsordninga (SFO) i Årdal kommune **- gjeldande frå 01.01.2023.** (vedteke i K-sak 008/23)

FØREMÅL, DRIFT OG FORVALTNING

- A. Årdal kommune si skulefritidsordning skal drivast i samsvar med kommunale planar og vedtak, og etter nasjonale retningslinjer.
- B. Årdal kommune har ansvaret for drift og vedlikehald.
- C. Ordninga er administrativt knytt til grunnskulen.
- D. Grunnskulen sitt foreldreråd og samarbeidsutval er styringsorgan for skulefritidsordninga.
- E. Rektor har det administrative og pedagogiske ansvaret for skulefritidsordninga.
- F. Leiaren har ansvaret for den daglege drifta.

SKULEFRITIDSTILBODA

Barn i 1. -4. klasse får tilbod om plass ved skulefritidsordninga.

Barn i 5. -7. klasse med særskilde behov vil etter søknad få tilbod om plass ved skulefritidsordninga. Tilbodet er gratis for denne elevgruppa.

Tilboda vert gjevne etter tre alternativ:

1. FØR undervisningstid
2. ETTER undervisningstid
3. FØR OG ETTER undervisningstid

Førsteklassingane har 12 timar gratis SFO, og vert fordelte på dei dagane SFO er open. Tilbodet gjeld og i feriar.

OPPHALDS- OG OPNINGSTIDER

Eit SFO-år går frå veke 31 til og med veke 28. Elevar i 1. klasse startar på SFO første skuledag.

- A. Skulefritidsordninga har ope mellom kl. 06.45 -16.00 kvar dag.
- B. På årsbasis følgjer opningstida i SFO skuleruta for grunnskulen.
- C. For skulefrie periodar (feriar og elevfrie dagar) gjeld følgjande:
 - SFO held stengt i juleferie, påskeferie og andre elevfrie einskild-dagar
 - veke 29 og 30 om sommaren.
- D. I haustferie, vinterferie og resten av sommarferien vert tilbodet gjeve ved enten Tangen skule eller Farnes Skule etter søknad frå føresette.
- E. Opningstider i ferie-SFO er 07.00-15.00

Merk at tilbodet i skulefrie periodar vert organisert etter behov mot betaling, og at dette ikkje må gå ut over barna sin rett til 5 vekers ferie i skuleåret, samt at 3 av desse vekene skal avviklast mellom skuleslutt og skulestart på sommaren.

OPPTAK AV BARN

- A. Frist for hovudopptak av barn er sett til 1. februar og vert kunngjort i lokalpressa. Det skal søkjast på fastsette skjema med stadfesting av føresette sine inntekter medrekna trygd. Føresette har plikt til å melde frå til SFO-leiar om endringar i økonomiske tilhøve.
- B. Det kan søkjast om opptak gjennom heile året og det blir sett opp ei uprioritert ventelista. Alle søknadane vert vurderte når ein får ledig plass.
- C. Rektor har ansvaret for opptaket. Det skal reserverast ein plass på kvar avdeling til etter handsaming av klager.
- D. Kvar søkjar skal vurderast særskilt i kvart einskild tilfelle.

KLAGERETT

- A. Tildeling av plass/avslag på søknad om plass er å rekna som eit einskildvedtak, og Forvaltningslova sine reglar gjeld.
- B. Formannskapet er klageinstans. Klage vert å senda tenesteområdet seinast tre veker etter at melding om vedtak er motteke.

TAP AV RETTAR/OPPSEIING

- A. Skulefritidsordninga skal seiast opp skriftleg i «Visma flyt skole», med ein månads varsel.
- B. Oppseiing av plassen må skje innan den 1. eller 16. i månaden. Då har ein plass i SFO til den 1. eller 16. i månaden etterpå. Siste frist for oppseiing av plass før sommaren er 31. mars. Dette inneber at plassen vert ledig frå 1.mai.
- C. Etter vedtak av rektor kan barn miste plass dersom:
 - 1. Den føresette ikkje betalar i rett tid
 - 2. Plassen vert nytta utover avtala tid

BETALING

Formannskapet vedtek betalingsordningar etter fullmakt frå kommunestyret.
For sein henting av barn vert fakturert med kr 200,-.

Det vert betalt for opphald i 10 månader. Betalingsfrie månader er halve juni, heile juli og halve august.

I samband med at barn tek til i SFO i løpet av skuleåret gjeld følgjande reglar:
Byrjar 01. -15. 1/1 månadsbetaling.
Byrjar 16. -31. 1/2 månadsbetaling

Foreldrebetalinga gjeld frå den datoen barnet får tildelt plass.

BEMANNING

Årdal kommunale SFO skal ha ei bemanning tilsvarande 16 born per vaksen.



SØSKENMODERASJON I BARNEHAGAR OG SKULEFRITIDSORDNING

Utgangspunktet skal vera at det skal betalast fullt for den plassen som er dyrast. Kommunestyret har fastsett slik søskenmoderasjon, K-sak 74/04:

Barn nr. 2 som går i barnehage/ SFO, får 30 % reduksjon i foreldrebetalinga, andre barn i barnehage/ SFO får 50 % reduksjon. Det blir gitt søskenmoderasjon på ferietilbodet til SFO.

Innbetalinga skjer til økonomiseksjonen den 15. i kvar måned.

Er barnet sjukt og utgjer fråværet ein samanhengande periode på meir enn ein måned, og det ligg føre legeerklæring om barnet sin sjukdom/ fråvær, vert det godkjent fritak frå betaling etter søknad.